

## Umjeren rast povećava izgleda za nova radna mjesta u Bosni i Hercegovini

**SARAJEVO, 27. septembar** – Prema najnovijem Redovnom ekonomskom izvještaju za jugoistočnu Evropu (SEERER) za 2016. u Bosni i Hercegovini se prognozira nastavak rasta, otvarajući put povećanju zaposlenosti i smanjenju siromaštva. Za 2016. se projektuje rast od 2,8 procenata, što je nešto niže od 3,0 procenta u 2015., uz prognoze da do 2018. dostigne 3,7 procenata, ako se strukturalne reforme budu provodile po planu. Očekuje se da ekonomski rast na regionalnom nivou dostigne 2,7 procenata u 2016., što je povećanje u odnosu na 2,2 procenta u 2015. Nastavak ubrzanja rasta se očekuje i tokom 2017. i 2018.

Ovaj ubrzani rast pomaže povećanju zaposlenosti u Bosni i Hercegovini i utiče na smanjenje siromaštva u regiji, navodi izvještaj. Nezaposlenost u Bosni i Hercegovini je smanjena za 2,3 procenta, ali se još uvijek kreće oko 25 procenata.

*“Srbija, najveća ekonomija u regiji, predvodi ovo ubrzanje rasta,”* kaže **Barbara Cunha, viši ekonomista Svjetske banke i vodeći autor izvještaja.** *“Srbija je ostvarila pomak s prošlogodišnjih 0,7 procenata rasta, neposredno nakon poplava iz 2014., na očekivanih 2,5 procenta ove godine.”*

Očekuje se i da ostale ekonomije u regiji u 2016. održe rast u rasponu između 2,8 i 3,6 procenata, uz izuzetak usporavanja u BJR Makedoniji. Rast se u mnogim zemljama pretače u radna mjesta. Zaposlenost je u prvoj polovini 2016. porasla za 4,7 procenata u Srbiji i 6,7 procenata u Albaniji.

	2015	2016 <sup>f</sup>	2017 <sup>f</sup>	2018 <sup>f</sup>
<b>Realni rast BDP-a (procent)</b>				
Albanija	2.8	3.2	3.5	3.5
Bosna i Hercegovina	3.0	2.8	3.2	3.7
Kosovo	3.9	3.6	3.9	3.7
Makedonija, BJR	3.7	2.0	3.3	3.7
Crna Gora	3.2	3.2	3.6	3.0
Srbija	0.7	2.5	2.8	3.5
<b>SEE6</b>	<b>2.2</b>	<b>2.7</b>	<b>3.2</b>	<b>3.6</b>

*“Snažniji rast počinje da ima pozitivan uticaj na siromaštvo i nezaposlenost u regiji,”* navodi **Ellen Goldstein, regionalna direktorica Svjetske banke za jugoistočnu Evropu.** *“Iako je stopa nezaposlenosti ostala visoka, na oko 25 procenta u prosjeku, ove su godine stope nezaposlenosti smanjene u pet, od ukupno šest zemalja jugoistočne Evrope.”*

Globalne ekonomske okolnosti ne idu u prilog ekspanziji, ali za male ekonomije, poput ovih u jugoistočnoj Evropi, interne reforme mogu stimulirati snažniji izvozno orijentirani rast, čak i u prilikama globalnog usporavanja.

*“U zemljama sa snažnim reformskim programom dolazi do povećanja investicija, koje su u prvoj polovini 2016. postale solidan pokretač rasta.”* kaže **Katia Vostroknutova, vodeći ekonomist Svjetske banke i jedan od autora ovog izvještaja.** *“Privatne investicije su snažno doprinijele rastu u Srbiji i Albaniji, a fiskalni deficiti i javni dug su smanjeni kao odgovor na reforme u ovim zemljama ”*

Prosječni fiskalni deficit u regiji je smanjen sa 3,6 procenata u 2015. na 3,3, procenta u 2016. Ovim prosjekom su zamaskirane značajne varijacije između zemalja, gdje javni dug raste u onim zemljama u kojima su fiskalni računi bili prenapregnuti zbog velike javne potrošnje.

Izveštaj zaključuje da regija nastavlja rast bez obzira na teške prilike u Evropi i svijetu. Da bi se rast održao, potrebne su dalje reforme u svrhu očuvanja makroekonomske stabilnosti, stimulacije aktivnosti privatnog sektora, jačanja efektivnosti javnog sektora i izgradnje otpornosti na vanjske šokove.

### **Saopštenje za medije**

2017/ECA/013

#### **Kontakti:**

*U Sarajevu:* Jasmina Hadžić, (+387-33) 251-502, [jhadzic@worldbank.org](mailto:jhadzic@worldbank.org)

*U Vašingtonu:* Elena Karaban (+1-202) 473-9277 [ekaraban@worldbank.org](mailto:ekaraban@worldbank.org)

Kompletan izvještaj možete preuzeti sa: <http://www.worldbank.org/seerer>

Posjetite nas na Facebook-u: <https://www.facebook.com/WorldBankEuropeCentralAsia>

Informišiti se putem Twitter-a: <https://twitter.com/WorldBankECA>

Pridružite se diskusiji na: <http://blogs.worldbank.org/europeandcentralasia>